



PAENITENTIARIA APOSTOLICA

Prot. N. 29/15/I


DECRETUM

PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, Excellentissimo ac Reverendissimo Domino Ioanni Ricchiuti, Archiepiscopo-Episcopo Altamurensi-Gravinensi-Aquavivensi, vel de eius consensu alii praelato episcopali dignitate insignito, benigne concedit ut, die XII vertentis mensis Martii, quo sollemniter aperietur Annus Charitatis et Misericordiae, in honorem indictus Innocentii Pp. XII, 'Pater pauperum' nuncupati, qui nomine Antonii Pignatelli natus est, post litatum divinum Sacrificium in matrici S. Petri Apostoli ecclesia Spinacciolae, ubi baptismum parvulus Antonius recepit, impertiat omnibus christifidelibus adstantibus qui, animo omnino elongato ab affectu peccati, iisdem sacris interfuerint, **papalem Benedictionem** cum adnexa *plenaria Indulgentia*, suetis sub condicionibus (sacramentali Confessione, eucharistica Communionem et Orationem ad mentem Summi Pontificis) lucranda.

Christifideles qui **papalem Benedictionem** devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radiophonici propagatos pia mentis intentione secuti fuerint, *plenariam Indulgentiam*, ad normam iuris, consequi valebunt.

Contrariis quibuslibet non obstantibus.

Datum Romae, ex aedibus Paenitentiariae Apostolicae, die II mensis Martii, anno Domini MMXV.


Maurus Card. Piacenza
MAURUS S. R. E. Card. PIACENZA
Paenitentarius Maior

Ioannes Maria Gervais
Ioannes Maria Gervais
Ad. a Stud.